

曝書亭全集

冊四

曝書亭集卷第十五

秀水 朱彝尊 錫鬯

古今詩 十四

上章敦牂

同郭三徵滿井訪崙公卽事二首

郊行方澤外路轉古城窪
小雨乍潑火輕風無聚沙
青蓮過橋寺紅杏隔牆花
一笑遠公在催停轂鯨車

故人方外侶

謂周處士箕也

往往說支纖
帝里衝風雪
僧廚共米鹽
招魂迷

去路挂壁有殘縑
不待山陽笛
同游淚各霑

送史館姜君

宸英

赴包山書局二首

白蠟明經亦可憐
強吟詩卷放歸船
告身許領郎官軸
不藉題名鴈

塔前

莫釐峯下著書臺
十道圖經一室開
破臘梅花遶清夢
勝騎官馬踏

霜埃

送徐處士善南還

玉河新柳已堪攀二月交亭送客還十度洞庭游未足今番真住石
公山

送禹鴻臚之洞庭

謫官擬就洞庭居此意沉吟六載餘君去西峯先相宅小樓容架滿
船書

送劉進士凡知孟縣

百里雷封古孟州銅章出宰最風流一灣清濟通王屋千樹穠花繞
縣樓別後酒鎗攜伴去到來詩卷許吾酬二年報最尋常事腰折眉
摧不用愁

送人宰順德

銅章再縮出都亭天末郎官映一星南海潮連沙嶼白西樵山壓縣

樓青題詩定遍簷
勞竹判牘憑移孔
翠屏此地不難先
奏最因風爲報遠
人聽

贈張叟

紹

筍籜爲冠大布裙
愛從金石拓遺文
吾生癖似劉原父
當代楊南仲是君

裂帛湖

裂帛湖流兩岸平
柳陰風煖燕飛輕
年光冷笑長安客
開遍山桃不出城

查上舍

慎行

弟將南還過寓舍
話別同魏二

坤

小飲賦六言

江郎南浦欲別小
謝西陵未來

謂嗣璫弟也

細草巴溝乍綠
堅冰潞水寧

開轂翻李邵新格
酒瀉烏巾舊醅
款語且留十日
看花同上豐臺

積雨寄賀秀才

堂坳階面簇青莎
鳩婦呼來又出窠
說與江南賀梅子
今年暑雨者

邊多

倪博士

我端

讀書城西雨中寄之二首

黑龍潭口水雲腥黃紙無勞畫丙丁料得林扉昏掩處高荷大芋枕
邊聽

雨氣西山黯未開更聞小暑一聲雷不煩走馬衝泥苦便可乘船入
市回

牽牛花十二韻

小草無心蔓疎籬到處延涼分銀漢水曉映碧羅天絳地三秋早含
苞七夕先風吹長裊裊露洗更娟娟冷翠蕉林外新黃豆葉邊日高
翻自斂夜久愈生妍月影銷衣後蟲聲攪夢前捎溝香驛路墮雨滴
簷船螢火黏常涇蛛絲密易緣子多拋藥臼根不費花錢舊入桐君
錄宜蓼織女鈿憑誰描竹尾幽思轉條然

同李中允

澄中

錢中允

金甫

李諭德

鎧

重過萬柳堂有懷相

國馮公二首

岸柳經秋臥簷花過雨摧應門人已換並馬客重來板屋分熊檻莎
亭擾雉媒昔年觴詠日不記暮笳催

樹改平泉譜堂仍右相名路迴逢石坐心怯過橋行稚子喧棋局園
官却酒鎗惟餘沙面水猶似冶源清

題汪祭酒糴詩卷三首

金馬紛紛著作家緇塵日日走篋車誰如國子先生暇吟到棠梨日
影斜

西陵十子流派別南宋諸公體製殊絕似韋郎浣花集奇章麗則近
來無

庭闈眷戀賦歸難酒伴相逢強自寬只合宅西添小閣秋山且當故

園看

祭酒詩卷中有記得年時重
九日全家登閣看秋山之句

秋日集馮檢討齋分韻得南字

畢卓能轟飲康駢愛劇譚長筵遮硯北小徑闢花南
榼醖三升酒齋香二寸柑餘酣留未去采菊入茶籃

題周編修

金然

雲松雪瀑圖

編修與予有結鄰洞庭山之約

越縑八尺誰所畫雪瀑亂灑長松梢中有科頭人獨坐盤石坳注目
一足練昏泉一勺炮斯人豈宜在巖壑或者避俗憎喧譁我生山水
性夙嗜十年誤把田園拋移家欲果洞庭約擬先縛屋三重茅毛公
壇高踏月上靈威洞古探書鈔楊梅滿村鶴頂賤橘柚落樹筠籠包
茲山從無蛇虎雉但有魚蟹鰕登庖雨前茶牙舌比雀籬下竹筍頭
如貓閒房恣意任選擇樂土不用分肥磽先生方充記言史朵殿直
入穿雲旂曰歸正恐歸未得磨錢枉費占羲爻耕田定須沮溺耦開
徑可少求羊交終當乞取鑑湖曲庶免怨鶴驚猿嘲

皇仁綏遠詩八首

并序

臣聞柔遠人則四方歸有常德而六師整舞兩階之干羽至誠感神

受百祿於共球敷奏其勇周官分職合方訓方懷方王會開圖比服
要服荒服唐著歸忠之傳漢歌樂德之詩矧夫百王之所未臣重謹
於焉來附于疆于理無貳無虞宜有頌聲用揚盛美欽惟我
皇上軼堯包舜揚武覲文陟禹迹而方行合軒符而在握泰階協正
被四表以光華上治咸和躋八紘於仁壽建中立極無外恢圖天地
之大德曰生靡一物不懷

帝德神人之所助者順允率土莫非王臣畫謀造化之先制勝霄旻
之上乃喀爾喀雖修職貢反側靡常與厄魯特妄構兵端阨窮已甚
皇上湛恩溥博克全仁濡義育之中

睿慮周詳不遺曲成範圍之內謂外藩之豫附必親定其機宜總七
萃於黃圖勒五營於紫微硯水潮河以北照耀戈鋌空同祝栗之間
扶攜老幼百重陞戟瞻帳殿而傾心千列周廬覲

天顏而稽首

宸衷用豫

聖度誠弘載揚正正之旗徐布堂堂之陣有爵有階有秩推亡固存
賜衣賜譙賜金式歌且舞申以河山之誓親同禁衛之軍而又

躬蒞營門特宣誥誠用賞用罰是訓是行永爲不侵不叛之臣無異
實畝實籍之地於是揚葭啓路總駟

回鑾百千萬人皆感

恩而泣下四十九部益慕義而歡騰蒼龍搖旆旆之旂朱鷺疊淵淵
之鼓歲旱而雨師灑道日長而風伯清塵曜乾文闡坤珍調玉燭輝

金鏡旣膺 寶籙宜薦 鴻稱惟

至德之彌謙而覃厚者多益萬年有道千古未聞臣幸際 昌辰式

觀 醲化自慚舛陋仰沐 崇深恭賦短章奉揚 駿烈

紫禁開魚鑰青郊建羽旄受降資

廟略載筆忝詞曹塞拓漁陽遠山盤虎北高羣臣歸燕息轉念

聖躬勞

鴈路緣沙磧魚雲接慢城鳴

鑾七校從吹笛六軍行俗本通鞬譯

人今息戰爭紛紛攜老穉遙望屬車迎

納款陳千帳班朝式九圍不圖瞻

日角轉自懾

天威重馬馱金囊茸裘換錦衣早知恩賚渥慕義久先歸

錫宴原殊禮官庖出尙方自來鹽穀少初得旨甘嘗位近周青馬詩

呈漢白狼遠人何以報齊奉萬年觴

羽衛三千士龍媒十二閑載旌平似水布陣屹如山膽已寒蕃部懽

仍啓

聖顏始知師以律悔恃七旗孱

繼絕弘新典疏榮表外藩河山申信誓謨訓有恩言入視金吾仗

來隨白虎旂自今同尉候不敢更懷緩

鳳蓋將旋日重攜所部來感深翻泣涕送遠愈徘徊星野瞻箕足

雲旂戴斗魁 神功一萬禩 駐蹕起層臺

左闕千門曉南風五月薰崇牙饒吹曲 仙仗羽林軍行健同 天

德鳴謙集

帝勳小臣逢盛際獻頌愧無文

爲魏上舍題水村第二圖二首

江鄉最好是分湖紫蟹紅鰕雪色鱸眯眼塵沙歸未得倩人重寫水
村圖

綠蘋不礙板橋樁紅葉空堆老樹腔異日相過任風雨抽帆直到讀
書牕

燕京郊西雜詠同諸君分賦

十八盤

香山十八盤盤盤種松柏惟見獨行僧稀逢采樵客

高粱河

高粱寒食時昔年盛游冶隔水百重花長堤兩走馬

釣臺

儵魚千百頭湖水二三尺有時溪雲生不見釣臺石

君子城

吾笑石季龍爾何知好士羅致山城中哀哉數君子

芙蓉殿

雕宮委疆礫暗粉剝莓落想見明昌日芙蓉殿脚開

黃牛岡

亂石侵花當奔沙擁樹根黃牛岡上月橫笛過前村

香水院

壞磴接雲根流泉來樹底宛轉入僧廚淙淙鳴不已

夾山寺

一珍做宋版印
禪枝啼谷鳥忍草護松關偶入樵人徑桃花又一山

礪山

石礪久已徙青山仍舊名去都無一舍已覺旅塵清

重光協洽

送吳御史

震方

還里二首

去年兮上書拜手兮青蒲今春兮未暮乘白駒兮下通路酌酒兮臨風攬子袂兮城東申之兮款曲客無爲兮忽忽泛牖河兮千里不如子之車兮莫或敢梃望江關兮兩旗不如子之馬兮莫或敢維囊無一物兮旋故土將津吏兮無怒

瞻衡宇兮欣欣數鄉樹兮歷歷慰慈母兮倚閭御輕軒兮布席妾婦蠶兮臂筐童呼牛兮腰笛麥秋兮梅暑煙舟兮雨屐罷遠遊兮屈平師近遊兮東哲逝將歸兮由拳樂與子兮晨夕

雨中酬王先生

士禎

早春見過韻

架插圖書卽是家忍令丘壑廢京華故人積雨能來否堂下羅生十
樣花

附 正月上旬過朱竹垞太史齋中諸花盛開賦絕句

濟南 王士禛

馬塍曾說野人家每先

去聲

東皇管物華今歲長安霜雪少試燈風

裏見唐花

團谿歌寄題黃贊善

與堅

書屋

團谿水繞舍北流團溪花發牆東稠先生歸去著書便日坐團溪
上樓

九日萬柳堂同譚十一表兄

瑄

作三首

百尺金臺近可攀城西積翠冷孱顏自緣筋力新來倦九日聊尋一

簣山

鵝鵲撲鹿起晴沙路轉平岡日已斜較是今年籬菊晚秋深猶膩水

藻花

改席疎林脫帽多半酣猶望麴車過休嘲酒戶年來減勸客還能卷
白波

秋水十韻

郭外湖新漲天邊暑乍歸牽舂移荻岸繫纜到柴扉橋影中流小人
煙極浦稀家家采菱角處處落蓮衣渡口迷村店潮痕驗釣磯魚標
林際短蟹火夜深微柳近浮萍埽楓兼斷葦飛避鰲鴻鴈下侵壟稻
梁肥夢穩扁舟在鄉遙舊雨非殷勤報鷗鳥伴我共忘機

送蔡中允假還省親

記聽句臚已十年詞頭草罷擘宮箋不知才子循陔後鎖院何人下
水船

寄題張學士

英

前輩賜金園二首

金海橋西小苑灣偶辭

賜第放船還仙居絕勝閭丘遠割取龍眠

一半山

越溪漁客東歸後千載無人乞鑑湖
輸與先生賜金換君恩歲歲

答魚租

毛封公壽詩集唐人句十韻

自知清淨好名利本來疎嗜酒晉山簡通經漢仲舒
高齋徵學問教子但詩書庭養沖天鶴香消蠹字魚
寧知武陵趣還傍釣臺居散帙至棲鳥鳴榔聞夜漁
古苔生迤地時菊覆清渠洞有仙人籙門停長者車
桐江秋信早勾漏藥成初自有延年術何人更得如

寄題新城王上舍

啓深

園居十二首

綠蘿書屋

女蘿青裊裊壓君一丈牆有時風卷幔瑣碎涼
月光留照牀上書籤帙生微黃

嘯臺

山月出漸高山泉鳴不已登臺一舒嘯四面林風起公子鸞鶴羣形神兩無累

春草池

春水旣已綠春柳亦已青此時池上草日暖飛蜻蜓游絲墮復起牆外花冥冥

石丈

種橘號作奴種花呼作后山礬以爲兄海棠以爲友羅置石丈前丈應開笑口

大椿軒

大椿本無樹取以名其軒不隨葺草彫長愛藻景暄因思漆園叟十九皆寓言

小華子岡

小水波淪漣小山石偃仄月明攜客上竹樹風不息比似輞川圖但